



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

14 APRIL 2021 (RABU)



KERATAN AKHBAR DAN MEDIA ONLINE (KPDNHEP)

14 APRIL 2021 (RABU)

Kuota minyak masak subsidi kekal

PUTRAJAYA - Kerajaan mengekalkan kuota minyak masak bersubsidi sebanyak 60,000 tan metrik setiap bulan tahun ini walaupun harga Refined Bleached and Deodorized (RBD) palm olein (minyak masak kelapa sawit) telah banyak meningkat berbanding tahun lepas.

Menteri Perdagangan Dalam Negeri dan Hal Ehwal Pengguna (KPDNHEP), Datuk Seri Alexander Nanta Linggi berkata, jumlah tersebut bersamaan dengan 60 juta paket polibeg satu kilogram (kg), dengan 1.5 kg minyak masak bersubsidi diperuntukkan untuk setiap rakyat Malaysia, termasuk di Sabah dan Sarawak.

Katanya, langkah itu dibuat ketika harga RBD palm olein

meningkat kira-kira 83 peratus kepada RM4,122 per tan metrik tahun ini berbanding RM2,255 pada 2020.

"Kerajaan turut menambah peruntukan atas dasar komitmen untuk membekalkan 60,000 tan metrik minyak masak bersubsidi akibat peningkatan harga," katanya dalam satu kenyataan yang dikeluarkan semalam.

Menurut Alexander, pihaknya menjangkakan kos skim berkenaan akan meningkat daripada RM400 juta kepada RM1.8 bilion sekiranya harga RBD Palm Olein terus naik.

"Keputusan kerajaan untuk mengekalkan kuota dalam program Penstabilan Harga Minyak Masak (COSS) menunjukkan

komitmen tinggi dalam mengurangkan kos sara hidup serta menjamin kesejahteraan rakyat," katanya.

Media baru-baru ini melaporkan kekurangan bekalan minyak masak bersubsidi di Sarawak, yang didakwa berpunca tindakan syarikat pembungkus minyak masak tidak jujur yang membekalkan minyak masak bersubsidi tidak mengikut kuantiti ditetapkan bagi edaran ke pasar raya dan kedai runcit.

Alexander berkata, bahagian penguat kuasa KPDNHEP sentiasa menjalankan pengauditan komprehensif untuk memastikan setiap pengeluaran minyak masak bersubsidi dapat diterima di setiap rantai pengedarannya.



KERAJAAN mengekalkan kuota minyak masak bersubsidi tahun ini, pada kadar 1.5 kg bagi setiap rakyat Malaysia sebulan. - GAMBAR HIASAN

Putrajaya

Kerajaan masih mengekalkan kuota minyak masak bersubsidi sebanyak 60,000 tan metrik setiap bulan termasuk pada 2020 dan 2021 walaupun harga *Refined Bleached and Deodorized* (RBD) palm olien meningkat, kata Datuk Seri Alexander Nanta Linggi.

Menurut Menteri Perdagangan Dalam Negeri dan Hal Ehwal Pengguna itu, jumlah itu bersamaan dengan 60 juta paket polibeg satu kilogram (kg) dengan 1.5 kg diperuntukkan untuk setiap rakyat Malaysia termasuk di Sabah dan Sarawak.

Katanya, harga RBD palm olien meningkat 83 peratus kepada RM4.122 per tan metrik tahun ini berbanding RM2.255 per tan metrik pada 2020.

"Kerajaan menambah peruntukan atas dasar komitmen membekalkan 60,000 tan metrik meskipun harga RBD Palm Olien meningkat," katanya, menambah kerajaan menjangkakan kos skim itu meningkat daripada RM400 juta kepada RM1.8 bilion sekiranya RBD Palm Olien terus meningkat.

"Oleh yang demikian, keputusan kerajaan mengekalkan kuota dalam program Penstabilan Harga Minyak Masak (COSS) menunjukkan komitmen kerajaan yang tinggi untuk mengurangkan kos sara hidup serta menjamin kesejahteraan rakyat," katanya.

Nanta mengeluarkan kenyataan itu susulan laporan berita berhubung kekurangan bekalan minyak masak bersubsidi di Sarawak yang didakwa berpunca daripada tindakan syarikat pembungkus minyak masak tidak ju-



HARGA RBD palm olien meningkat 83 peratus kepada RM4.122 per tan metrik tahun ini.

MINYAK MASAK BERSUBSIDI

Kekal kuota 60k tan metrik

jur kerana membekalkan minyak masak bersubsidi tidak mengikut kuantiti ditetapkan bagi edaran ke pasar raya dan kedai runcit.

Laporan itu mencadangkan supaya Kementerian Perdagangan Dalam Negeri dan Hal Ehwal Pengguna (KPDNHEP) meningkatkan pemantauan dan penguatkuasaan ke atas aktiviti pembungkusan minyak masak bersubsidi dan seterusnya memastikan peruntukan subsidi minyak masak RM400 juta tahun ini dibelanjakan dengan berhemah.

Nanta berkata, bahagian penguat kuasa KPDNHEP sentiasa menjalankan pengauditan komprehensif untuk memastikan setiap pengeluaran minyak masak bersubsidi diterima di setiap rantauan pengedarannya.

Susulan daripada pengauditan dan tindakan tegas da-

lam menangani ketirisan pengedaran minyak masak bersubsidi, Nanta berkata, 318 kes direkodkan di seluruh negara sejak 2016 hingga Mac 2021.

Dalam tempoh itu, empat syarikat pembungkus minyak masak diambil tindakan dengan membatalkan kuota diberi kepada mereka sebelum ini, katanya.

Mengenai aduan berkaitan minyak masak di Sarawak Nanta berkata, semakan rekod mendapati ada 25 aduan sejak 2020 hingga 31 Mac lalu dan 4,221 pemeriksaan dijalankan terhadap premis menjual minyak masak setakat semalam (12 April).

Mengenai isu gula yang disenituh dalam laporan berita berkenaan, Nanta berkata, pada dasarnya harga jualan gula domestik dikawal pada harga maksimum iaitu RM2.85 per kg

bagi gula putih bertapis kasar dan RM2.95 per kg bagi gula putih bertapis halus bagi jualan secara runcit.

Harga jualan borong gula untuk kegunaan industri makanan dan minuman pula ditetapkan pada kadar RM2.77 per kg bagi gula putih bertapis kasar dan RM2.85 per kg bagi gula putih bertapis halus, katanya.

"Perbezaan pada harga gula lebih rendah boleh dinikmati syarikat pengeluar makanan dan minuman berdasarkan kuantiti dan kaedah pembelian dipersetujui dengan pembekal serta bergantung kepada harga gula mentah di pasaran dunia tanpa campur tangan kerajaan," katanya.

Menurut laporan berita itu, pihak industri makanan dan minuman kini perlu berbelanja lebih untuk mendapatkan gula bertapis pada harga RM2.75 per kg.

Menteri nafi bekalan minyak masak kurang

PUTRAJAYA - Kementerian Perdagangan Dalam Negeri dan Hal Ehwal Pengguna (KPDNHEP) menafikan laporan portal bahawa terdapat kekurangan bekalan minyak masak bersubsidi di pasaran.

Menterinya, Datuk Seri Alexander Nanta Linggi berkata, kuota 60,000 tan metrik masih dikekalkan kerajaan walaupun harga RBD Palm Olein meningkat sebanyak 83 peratus kepada RM4,122 satu tan metrik tahun ini berbanding RM2,255 satu tan metrik tahun lalu.

“Sekiranya kenaikan harga RBD Palm Olien terus menunjukkan trend peningkatan, kerajaan menjangka kos terus meningkat bagi skim ini daripada RM400 juta kepada RM1.8 bilion,” katanya.

Beliau berkata, susulan daripada pengauditan dan tindakan tegas dalam menangani ketirisan pengedaran minyak masak bersubsidi, sebanyak 318 kes telah dihasilkan di seluruh negara melibatkan minyak masak sejak tahun 2016 hingga Mac 2021.

“Dalam tempoh tersebut, sebanyak empat syarikat pembungkus minyak masak diambil tindakan dengan membatalkan kuota yang telah diberikan kepada mereka sebelum ini,” katanya.

Sementara itu, bagi isu gula, harga jualan domestik adalah dikawal pada harga maksimum RM2.85 sekilogram bagi gula putih bertapis kasar dan RM2.95 sekilogram bagi gula putih bertapis halus untuk jualan secara runcit.



ALEXANDER

KPDNHEP siasat dakwaan ayam mahal

PETALING JAYA — Bahagian Penguatkuasaan Kementerian Perdagangan Dalam Negeri dan Hal Ehwal Pengguna (KPDNHEP) akan melakukan siasatan berhubung dakwaan berlaku kenaikan harga ayam di pasaran.

Menterinya, Datuk Seri Alexander Nanta Linggi berkata, pengguna diminta membuat aduan rasmi kepada KPDNHEP

sekiranya mendapati berlaku kenaikan harga ayam secara mendadak di kawasan masing-masing bagi memudahkan pihaknya mengambil tindakan.

Menurutnya, peniaga yang sesuka hati menaikkan harga ayam boleh dikenakan tindakan di bawah Akta Kawalan Harga dan Anti Pencatutan (AKHAP) 2011.

"Jika sabit kesalahan boleh

didenda sehingga RM500,000 bagi syarikat dan bukan syarikat sehingga RM150,000 atau dipenjara maksimum tiga tahun atau kedua-duanya," katanya kepada *Kosmo!* semalam.

Alexander turut meminta orang ramai tidak terlalu bimbang dengan keadaan itu kerana KPDNHEP akan mengumumkan Skim Harga Maksimum Musim

Perayaan (SHMMP) dalam tempoh terdekat.

Katanya, KPDNHEP ketika ini dalam proses konsultasi dengan semua pihak berkaitan bagi penetapan SHMMP yang akan turut melibatkan harga ayam.

"Skim kawalan ini sebagai langkah untuk menyekat kenaikan harga barangan keperluan menjelang perayaan," ujarnya.

Harga ayam melambung cecah RM9.50 sekilogram

KEGEMBIRAAN orang ramai meraikan kehadiran bulan Ramadan yang memasuki hari kedua hari ini sedikit terjejas susulan kenaikan mendadak harga ayam antara RM2 hingga RM4 yang dikesan berlaku di beberapa buah negeri sejak seminggu lalu.

BERITA DI MUKA 13





LIN (kanan) ditemui ketika tinjauan harga ayam dilakukan di Pasar Awam Desa Mayang, Bayan Baru semalam.



MOHD. ZUKRI (kiri) melayan pelanggan di Pasar Besar Kedai Payang, Kuala Terengganu semalam. Peniaga itu menjual ayam pada harga RM9 sekilogram.

Pembekal dakwa dedak jadi punca kenaikan selain permintaan tinggi pengguna

Harga ayam bakal naik RM10 sekilo

Isu Pengguna

Oleh MOHD. AZLI ADLAN,
ZULKIFLI MANZOR, NOOR
HASLIZA NUSI dan MOHAMAD
NAUFAL MOHAMAD IDRIS

KUALA TERENGGANU – Harga ayam di daerah ini terus meningkat secara mendadak sehingga menimbulkan keresahan dalam kalangan pengguna pada hari pertama Ramadan semalam.

Tinjauan Kosmo! di Pasar Besar Kedai Payang di sini mendapati, rata-ratanya peniaga menjual ayam pada harga antara RM8.50 hingga RM9 sekilogram.

Seorang peniaga, Mohd. Zukri Arifin, 38, memberitahu, harga ayam jualannya telah naik sebanyak lima kali dalam tempoh dua minggu.

"Sebelum ini, ayam hanya berharga RM7 sekilogram sebelum naik sedikit demi sedikit sehingga

RM9 sekilogram mulai Jumaat lalu. "Saya dimaklumkan oleh pembekal, harga ayam akan naik lagi kepada RM9.50 mulai esok (hari ini) sebelum dijangka melonjak kepada RM10 sekilogram tidak lama lagi," katanya ketika ditemui di Pasar Besar Kedai Payang.

Peniaga, Mohd. Robby Awang, 39, pula berkata, dia terpaksa menjual ayam pada harga yang tinggi kerana kadar ditetapkan pembekal sudah sedia mahal.

"Saya dimaklumkan kenaikan ini disebabkan kos makanan ayam yang semakin meningkat di samping permintaan tinggi pengguna sempena menyambut Ramadan," katanya.

Di George Town, kebanyakan peniaga ayam di pasar awam negeri ini juga mula resah dengan kenaikan harga 30 sen bagi sekilogram ayam mulai hari ini.

Ketika ini, sekilogram ayam dijual pada harga RM9.50 hingga RM9.80 di pasar-pasar awam berbanding RM9 sebelum ini.

Seorang peniaga ayam di Pasar Awam Desa Mayang, Bayan Baru, Lin Sulaiman, 42, memberitahu, kenaikan harga ayam daripada peringkat penternak berlaku selepas pelaksanaan Perintah Kawalan Pergerakan (PKP) 2.0.

"Kenaikan dikatakan berlaku disebabkan harga dedak yang mahal. Kami cuba mempertahankan harga asal dalam tempoh dua minggu, namun pihak pemborong masih menaikkan harga ayam."

"Keadaan itu memaksa kami turut menaikkan harga ayam pada harga RM9.50 sekilogram. Kami tiada pilihan lain," ujarnya.

Di Shah Alam, tinjauan di Pasar Moden Seksyen 6 mendapati, kenaikan harga ayam kepada RM8.50 sekilogram berbanding RM8 sebelum ini berlaku sejak 6 April lalu.

Seorang penjual ayam yang hanya mahu dikenali Azam, 52, memaklumkan berlaku tiga kali kenaikan harga daripada pembekal kepada peruncit bermula 1 April

dengan harga RM7 sekilogram kepada RM7.60 sehingga semalam.

Dakwanya, kenaikan harga tersebut disebabkan kekurangan bekalan ayam daripada penternak berbanding permintaan.

Sementara itu, kenaikan mendadak harga dedak ayam sejak akhir tahun lalu menjadi antara punca harga ayam melonjak.

Seorang pembekal ayam, Amirul Aqmal Razarudin, 29, berkata, seguni dedak ayam seberat 50 kilogram (kg) kini berharga sekurang-kurangnya RM116 berbanding RM98 pada tahun lalu.

"Kenaikan harga makanan ayam dikesan melonjak sejak kerajaan mula membenarkan pembukaan sektor ekonomi secara berperingkat mulai Julai tahun lalu dan ia semakin menjadi-jadi pada penghujung tahun 2020."

"Ia menyebabkan kos membeli makanan ayam meningkat kepada RM9,000 bagi setiap dua bulan berbanding RM6,000 sebelum ini," katanya kepada Kosmo!

Amirul Aqmal berkata, penternak dan pembekal ayam daging serta ayam kampung sepiutnya sudah tidak mampu menampung kos operasi yang semakin meningkat disebabkan kenaikan harga makanan ternakan.

Sehubungan itu, dia yang mengusahakan ladang ayam di Kampung Parit Seberang, Kuala Pilah, Negeri Sembilan berkata, mereka tiada pilihan selain menaikkan harga ayam untuk mengelak daripada mengalami kerugian teruk.

"Saya tidak pasti punca kenaikan harga makanan ayam sepanjang tempoh PKP ini. Mungkin akses untuk pengimportan produk itu terhad."

"Apa pun sekiranya kerajaan campur tangan dalam menstabilkan harga dedak, saya pasti harga ayam di pasaran akan lebih murah," ujarnya.

Tambahnya, permintaan tinggi pada Ramadan ini mungkin juga mendorong kenaikan harga ayam.



Harga ayam naik di seluruh negara

Harga ayam di bandar-bandar utama di seluruh negara naik pada bulan Ramadan. Tinjauan *Sinar Harian* di beberapa pasar basah mendapati harga ayam segar kini naik sehingga RM9.50 sekilogram (kg) berbanding antara RM7.50 hingga RM8.50 minggu lalu.

4 & 5

Harga ayam cecah RM9.50 sekilo

Kenaikan harga fenomena biasa menjelang Aidilfitri

SHAH ALAM

Harga ayam segar di beberapa negeri menunjukkan kenaikan antara 50 sen hingga RM1 menjelang Ramadan.

Tinjauan *Sinar Harian* di Pasar Awam Sungai Besar, Selangor mendapati harga ayam naik kepada RM9 sekilogram berbanding RM8 sekilogram sejak sebulan lalu.

Seorang peniaga, Farizal Rahim, 40, berkata, kenaikan itu dipercayai berlaku berikutan pelaksanaan skim kawalan harga ayam musim perayaan Aidilfitri tidak lama lagi.

Menurutnya, peniaga terpaksa berdepan kenaikan harga ayam daripada pihak pemborong yang memperoleh harga ayam lebih tinggi daripada pihak pembekal dari ladang ayam setiap kali menjelang musim perayaan.

"Kami sudah menjangkakan keadaan ini berlaku sepanjang musim perayaan dan mereka (pembekal) terpaksa menampung kos sepanjang pelaksanaan skim kawalan harga," ujarnya.

Kata Farizal, peniaga terpaksa menaikkan harga ayam kepada pelanggan disebabkan harga jualan runcit berasaskan harga

ayam di ladang yang ditawarkan pemborong.

Katanya, ayam proses yang diperoleh daripada pemborong naik pada kadar RM1 iaitu dijual pada harga RM8 sekilogram berbanding RM7 sebelum ini.

"Jika harga yang ditawarkan pemborong tinggi, kami terpaksa jual tinggi dan jika harga ditawarkan rendah sudah pasti peniaga akan jual pada harga murah," menurutnya.

Tambah peniaga itu, harga ayam RM9 sekilogram dianggap biasa menjelang musim perayaan dan pernah mencecah RM9.50 sekilogram.

Di **JOHOR**, peniaga ayam di Kempas, Rozaide Saori, 44, berkata, harga ayam di situ dijual pada harga RM8.50 sekilogram (kg) berbanding antara RM7.50 hingga RM7.90 pada minggu lalu.

"Selalunya pertengahan puasa harga ayam segar akan turun sedikit namun harga ayam akan naik semula menjelang raya.

"Ini kerana semua harga berdasarkan harga daripada pembekal.

"Pembekal naikan harga setiap kali puasa, jadi peruncit terpaksa naikan juga selain alasan bekalan ayam kurang," katanya.

Sementara itu peniaga ayam segar di Tampoi, Samsul Bahri Anuar, 42, berkata, kenaikan harga ayam dikesan sejak seminggu lalu.

"Harga ayam segar mengalami kenaikan dan dijual perun-



Farizal (kanan) mengakui harga ayam naik RM9 sekilogram berbanding RM8 sekilogram sebelum ini berikutan pelaksanaan skim kawalan harga musim perayaan Aidilfitri tidak lama lagi.

cit RM8.50 sekilogram (kg) berbanding hanya RM7.50 hingga RM7.80 minggu lalu.

"Kami jual runcit berasaskan harga ayam di ladang ditawarkan pemborong," katanya.

Di **PERAK**, tinjauan di sekitar Ipoh mendapati harga ayam di kedai runcit dijual sekitar RM7 hingga RM8, manakala di pasar raya dijual pada harga RM6.69 sehingga RM7.

Semakan di laman rasmi Price Catcher Kementerian Perdagangan Dalam Negeri dan Hal Ehwal Pengguna (KPDNHEP) mendapati ayam standard yang dijual di sekitar Ipoh bermula pada harga RM5.99 hingga RM9.

Di **NEGERI SEMBILAN**, Kementerian Perdagangan Dalam Negeri Koperasi Dan Hal

Ehwal Pengguna (KPDNHEP) negeri itu mengesan berlaku kenaikan harga ayam sebanyak RM1 pada Selasa.

Pengarahnya, Ain Arjuna Aziz Azman berkata, kenaikan tersebut dikesan melalui hasil pemantauan harian yang dilakukan oleh pihaknya di semua pasar seluruh negeri itu.

"Melalui pemantauan harian yang dilakukan, kita dapati berlaku kenaikan harga ayam sebanyak RM1 di Pasar Besar Seremban dan Kuala Pilah.

"Peniaga didapati menjual ayam dengan harga RM9 ke RM9.50 pada Selasa, menyebabkan berlakunya kenaikan RM1," katanya.

Bagaimanapun, katanya, sehingga kini pihaknya tidak menerima laporan daripada orang

HARGA AYAM TERKINI	
Negeri	Harga
Negeri Sembilan	RM9.50
Kedah	RM8.50
Selangor	RM9
Pahang	RM9.50
Perak	RM9
Kelantan	RM7.50

ramai.

"Walaupun tiada laporan yang diterima, namun kita akan terus memantau dari masa ke masa bagi memastikan tidak berlaku kenaikan harga barangan secara mendadak sempena Ramadan ini," katanya.

Harga daging, sayur di Kelantan turut meningkat



Permintaan ayam yang tinggi menjelang Ramadan dan hari pertama puasa turut menjadi faktor kenaikan harga ayam.

KOTA BHARU - Kenaikan harga barangan keperluan makanan di Kelantan pada hari pertama Ramadan bukan setakat membabitkan harga jualan ayam mentah malahan turut membabitkan bahan utama lain iaitu daging dan beberapa jenis sayur.

Kenaikan kesemua barangan itu berlaku secara purata minimum antara 70 sen sehingga RM5 sekilogram.

Tinjauan di Pasar Besar Siti Khadijah di sini mendapati harga ayam mentah dijual antara RM6.99 sehingga RM7 sekilogram (kg) berbanding RM6.20 minggu lalu manakala ayam bersih sekitar RM7.30 sehingga RM7.50 sekilogram berbanding RM6.90 sebelum ini.

Harga daging lembu tempatan pula dijual RM34 sekilogram berbanding

RM29 sebelum ini manakala di gerai tepi jalan di Pintu Geng, di sini, dijual pada harga RM32 berbanding RM27 sekilogram minggu lalu.

Harga sayur juga meningkat, antaranya kubis yang dijual pada harga RM4 hingga RM5 sekilogram berbanding RM3 hingga RM4 dan sawi RM18 berbanding RM13 sekilogram sebelum ini.

Seorang peniaga ayam di Pasir Tumbuh, Ahmad Mustaqim Che Mohd Tarmizi, 30, berkata, harga pengeluar ayam di ladang sudah tiga kali naik dengan kadar 30 sen setiap kenaikan menjelang Ramadan, menyebabkan jualan borong dan runcit ayam turut meningkat.

"Permintaan yang bertambah secara mendadak menghampiri puasa dan hari pertama puasa hari ini me-

nyebabkan kenaikan harga ayam.

"Peniaga bukan sengaja menaikkan harga tetapi bergantung kepada harga daripada pengeluar," katanya.

Dalam pada itu, Ketua Pegawai Penguat Kuasa Kementerian Perdagangan Dalam Negeri dan Hal Ehwal Pengguna (KPDNHEP) Kelantan, Azanizam Affendi Juri memberi amaran kepada semua peniaga supaya tidak menjual barangan dengan harga yang melampau atau mengambil kesempatan menaikkan harga barangan sesuka hati.

"Tindakan tegas akan diambil terhadap individu atau peniaga yang melakukan kesalahan ini.

"Setakat ini, KPDNHEP belum menerima aduan rasmi namun anggota penguat kuasa sentiasa menjalankan pemeriksaan," katanya.

Harga dedak naik 18 peratus

Pengaruhi kenaikan harga ayam di seluruh Malaysia

ALOR SETAR

Kenaikan harga ayam yang dikesan berlaku sejak dua minggu lalu didakwa berpunca daripada kenaikan harga dedak untuk makanan haiwan tersebut.

Presiden Ayam Bismi Sdn Bhd, Datuk Jaffri Ahmad berkata, dalam tempoh itu dikesan berlaku tiga kali kenaikan dengan setiap kenaikan sebanyak 30 sen.

Beliau berkata, terkini harga ayam proses mencecah antara RM8 hingga RM8.50 setiap kilogram di Kedah.

"Turun naik harga ayam ini sering berlaku dalam pasaran, cuma kenaikan kali ini bukan disebabkan umat Islam menyambut Ramadan, sebaliknya disebabkan harga dedak yang meningkat sehingga 18 peratus sejak Oktober tahun lalu," katanya kepada *Sinar Harian* di sini pada Selasa.

Menurutnya, kos makanan ayam yang tinggi menyebabkan penternak terpaksa menaikkan harga ayam hidup untuk mengelakkan kerugian.

"Sebelum ini harga bagi satu beg dedak seberat 50 kilogram adalah seba-



Faktor kenaikan harga dedak mendorong harga ayam hidup naik sehingga RM1.



JAFFRI

nyak RM85, tetapi sekarang ia sudah mencecah harga RM102.

"Secara purata kos makanan bagi seekor ayam meningkat sebanyak RM1.20.

"Apabila harga daripada penternak meningkat, pemborong dan penjual pun akan naikan harga," katanya yang menjual ayam proses pada harga RM7.58 sekilogram di premisnya.

Jaffri menambah, sebagai usahawan yang menternak dan memasarkan sendiri ayam proses, beliau ber-

harap kerajaan dapat mencari suatu mekanisme untuk menstabilkan harga dedak.

"Harga ayam ini bukan suka-suka dinaikkan oleh penternak, pemborong atau penjual, tetapi ada sebab-sebabnya yang tertentu.

"Seperti sekarang, bahan mentah untuk penghasilan dedak ini diimport dari luar negara. Dalam keadaan pandemik sekarang, tidak dinafikan ada beberapa masalah yang mendorong kenaikan harga dedak itu sendiri.

"Mungkin kerajaan boleh cari alternatif lain agar dedak boleh dihasilkan dalam negara supaya kita tidak lagi bergantung kepada import," katanya.

Orang tengah tentukan harga ayam kepada peniaga



Mohamad Adam bersama ayam ternakan di ladangnya yang beroperasi di Kampar.

IPOH - Mainan harga yang dibuat oleh orang tengah atau *integrator* juga menjadi punca peningkatan harga ayam.

Pengerusi Persatuan Penternak Ayam Perak, Nor Azhar Mohamed berkata, pihak integrator berkuasa penuh terhadap harga ayam di pasaran kerana di ladang peningkatan tidak terlalu ketara.

"Sebenarnya terdapat beberapa keadaan yang menyebabkan kenaikan ini, antaranya penternak terikat dengan harga kontrak dengan pihak *integrator*.

"Pihak *integrator* yang menguasai pasaran dan menentukan harga ayam yang dibekalkan kepada peniaga," katanya.

Beliau berkata, pihaknya mengakui penternak berdepan tekanan walaupun harga naik tetapi peningkatan harga makanan ayam juga menyebabkan mereka berdepan kesukaran.

Dalam pada itu, penternak yang juga Pengarah Syarikat MA Tech-

nology System Sdn Bhd, Mohamad Adam Shah Mohamed Hussain berkata, harga bagi sekilogram ayam di ladang naik sekitar 50 sen kepada RM4.50.

Menurutnya, kenaikan tersebut turut dipengaruhi harga makanan ayam yang meningkat sehingga RM98.50 bagi 50 kilogram (kg) berbanding RM81 sebelum ini bagi dedak pemula, manakala untuk dedak penggemuk pula daripada RM79 menjadi RM96.50 bagi 50kg.

"Memang kita akui harga di ladang sekarang naik sehingga 50 sen dan ini merupakan harga kontrak di peringkat ladang. Peningkatan ini berlaku pada tahun ini.

"Sebagai penternak, kita mengikut kontrak yang ditetapkan malah kenaikan harga jagung di peringkat global turut menyebabkan harga makanan ayam ini naik secara mendadak," katanya kepada *Sinar Harian* pada Selasa.

Peniaga tiada pilihan

TEMERLOH - Kenaikan harga yang ditawarkan pembekal menyebabkan peniaga tiada pilihan untuk menaikkan harga ayam.

Tinjauan *Sinar Harian* di beberapa premis di sekitar Mentakab pada Selasa mendapati harga ayam dijual pada harga runcit RM9.50 sekilogram.

Bagi seorang peniaga di Pasar Awam Mentakab, Hakimi Mat Ali, 65, harga ayam runcit sekilogram dijual pada harga RM9 minggu lalu.

Dia yang sudah menjual ayam sejak tahun 44 tahun lalu menjelaskan, harga terpaksa dinaikkan walaupun terdapat rungutan daripada pelanggan.

"Ini pun harga bakal naik dalam tempoh beberapa hari lagi kerana pembekal sudah maklumkan kenaikan harga," katanya.

Sementara itu, seorang peniaga kedai runcit yang hanya mahu dikenali sebagai Hamid, 50, memberitahu, dia terpaksa menjual pada harga RM9.50 kerana pembekal telah meletakkan harga tinggi.

"Mahu tak mahu kena jual harga mahal sedikit berbanding sebelum ini," ujarnya.



HAKIMI



Harga ayam dijangka naik lagi dalam tempoh terdekat.

Masalah yang dihadapi rakyat setiap kali Ramadan

Harga barang melonjak

PETALING JAYA: Rakyat sekali lagi terbeban dengan peningkatan mendadak harga runcit barangan hampir di seluruh negara ketika umat Islam menjalani hari pertama ibadat puasa.

Peningkatan ini dipercayai berpunca daripada tindakan

pengeluar dan 'orang tengah' yang memanipulasi harga untuk mengaut keuntungan luar biasa sejak setahun lalu dengan memberikan alasan harga makanan ternakan melambung dan kekurangan bekalan ikan.

Tinjauan *Utusan Malaysia* di

pasar-pasar basah seluruh negara mendapati harga daging lembu naik antara RM2 hingga RM8 daripada harga asal RM30 sekilogram kepada RM38 sekilogram.

Ayam proses dijual pada RM7.30 hingga RM9.50 sekilo-

gram berbanding harga siling RM6.50 yang ditetapkan manakala sayur sawi dijual RM18 sekilogram berbanding sebelumnya RM13.

Harga ikan kembung meningkat antara RM22 hingga RM25 sekilogram berbanding RM20

hingga RM23 sekilogram, kerisi antara RM15 hingga RM18 sekilogram berbanding RM12 hingga RM15 dan pelaling RM8 hingga RM15 sekilogram di percayai kekurangan bekalan.

Bersambung di muka 6

Harga barang melonjak

Dari muka 1

Namun, harga beberapa jenis ikan lain kekal antaranya selar RM15 sekilogram, ikan cencaru (RM10 sekilogram), ikan tongkol (RM9 sekilogram), ikan selang (RM8 sekilogram) dan ikan balwal (RM11 sekilogram).

Di **KEDAH**, kenaikan harga barangan basah seperti ayam, daging dan sayuran secara mendadak memberi kesan kepada peniaga makanan khususnya mereka yang akan menjalankan perniagaan sepanjang Ramadan ini.

Tinjauan ke beberapa pasar basah dan kedai mendapati, sebelum ini harga ayam dijual RM8.20 sekilogram naik RM9 sekilogram manakala daging tempatan pula dijual antara RM36 hingga RM38 sekilogram.

Bahan mentah lain seperti sayuran hijau juga lebih mahal dengan kenaikan antara RM3 ke RM4 sekilogram menyebabkan peniaga mula merungut.

Di **TERENGGANU**, pengguna terbeban kerana peniaga ayam dan daging di sini menaikkan harga ayam dan daging.

Peniaga ayam di Pasar Batu Enam, Mohd. Mazlin Mohamad, 38, berkata, sejak Mac lalu harga ayam naik lima kali.

Dia meminta orang ramai agar tidak menuding jari kepada peniaga berikutan harga ayam dan daging yang melambung di pasaran.

"Ada pembekal yang mengambil kesempatan menjual pada harga tinggi sebelum

PERBANDINGAN HARGA BARANGAN HARIAN

Aplikasi Price Checker KPDNHEP	Harga Pasaran	
Daging Lembu Import 1KG	RM21.00	RM38.00
Ayam Bersih Standard 1KG	RM5.99	RM9.50
Ikan Kembung Kecil 1KG	RM20.00	RM25.00
Ikan Kerisi 1KG	RM8.00	RM18.00
Ikan Cencaru 1KG	RM5.99	RM10.00
Ikan Tongkol 1KG	RM8.00	RM9.00
Ikan Selang 1KG	RM7.99	RM8.00
Sayur Sawi 1KG	RM6.00	RM10.00
Sayur Pak Choi 1KG	RM12.00	RM15.00
Daun Bawang 1KG	RM21.00	RM25.00

kerajaan, mengenakan harga". "Walaupun pembeli merungut tetapi kami tiada pilihan lain kerana harga yang dijual pembekal di ladang-ladang pun sudah mahal," katanya.

Di **KELANTAN**, harga sayur dan barangan basah naik antara RM1 hingga RM5 di pasar-pasar utama.

Tinjauan di Pasar Siti Khadijah di sini mendapati, orang ramai merungut kerana kenaikan berlaku mengejut, namun tiada pilihan lain dan terpaksa membeli seperti biasa.

Paling ketara, harga ayam yang dijual RM7.30 hingga RM7.50 sekilogram berbanding RM6.50 sebelum ini manakala sawi RM18 sekilogram berbanding harga lama RM13.

Namun, harga ikan seperti selar kekala RM15 sekilogram, RM10 sekilogram, ikan tongkol (RM9 sekilogram), ikan selang

(RM8 sekilogram) dan ikan balwal (RM11 sekilogram).

Pembeli, Mohd. Adnan Mohd. Nordin 46, berkata, dia yang menjual menu nasi Arab terpaksa menyerap kenaikan kos bagi menyiapkan juadah yang ditempah pelanggan lebih awal.

Di **PULAU PINANG**, peniaga sayur terkejut dengan kenaikan mendadak harga bagi sekilogram sawi, Pak Choi dan daun bawang yang dijual pembekal malah menyifatkan situasi kali ini lebih teruk berbanding sebelumnya.

Tinjauan di beberapa pasar awam di daerah barat daya di sini mendapati, harga bagi tiga jenis sayur-sayuran itu naik sekitar RM3 hingga RM4 berbanding dua minggu lalu.

Malah, peniaga juga difahamkan sudah berdepan kenaikan harga sayur-sayuran yang sa-

ngat ketara itu sejak Isnin lalu, seminggu sebelum umat Islam menyambut Ramadan.

Sawi dijual RM10 sekilogram berbanding sebelum ini hanya RM6, Pak Choi dijual RM12 hingga RM15 daripada RM10 manakala daun bawang RM25 daripada RM21 sekilogram.

Disebabkan kenaikan tersebut, rata-rata peniaga terpaksa menaikkan harga jualan kepada pengguna biarpun berdepan kerugian seperti daun rosak dan layu.

Di **PAHANG**, keluhan peniaga tentang kenaikan harga barang mula kedengaran walaupun umat Islam baru sahaja memulakan ibadah puasa.

Tinjauan di Pasar Besar Kuantan di sini mendapati beberapa jenis barangan basah seperti ikan, sayur dan ayam mengalami peningkatan beberapa hari sebelum puasa.

Selain cuaca, sikap 'orang tengah' yang mengambil kesempatan menaikkan harga antara faktor yang menyebabkan kekurangan bekalan dan keadaan berlanjutan apabila tiba Ramadan.

Sawi dijual RM6 ke RM7 sekilogram, berbanding sebelum ini RM3 ke RM4 sahaja.

Daun bawang naik RM25 sekilogram berbanding sebelum Ramadan RM6 sekilogram.

Bagaimanapun harga tomato mengalami penurunan RM3 berbanding RM8 sebelumnya.

Di **PERAK**, harga ayam, ikan dan daging di pasar besar Teluk Intan naik berikutan per-

mintaan yang tinggi semasa Ramadan.

Ini termasuk ikan tongkol daripada RM12 sekilogram sebelum ini kepada RM16, cencaru RM10 kepada RM12 sekilogram, ayam dari RM8.80 kepada RM9.80 sekilogram dan daging RM32 kepada RM35 sekilogram.

Peniaga ikan, Zambry Karim, 62 berkata, sebelum Ramadan, ikan tongkol dijual RM12 sekilogram, namun naik RM16 manakala cencaru sebelum ini kebiasaannya dijual RM10 sekilogram tapi naik kepada RM12.

"Memang ada pelanggan yang bertanya mengapa ikan naik harga pada bulan puasa dan semasa nak dekat hari raya? Saya pun beli pada harga yang tinggi," katanya.

Bercakap kepada *Utusan Malaysia*, Pengarah Perdagangan Dalam Negeri dan Hal Ehwal Pengguna Melaka, Norena Jaafar berkata, meskipun berlaku peningkatan permintaan bahan mentah berikutan operasi bazar Ramadan, pemantauan harian yang dijalankan mendapati para peniaga mematuhi harga kawalan.

Beliau berkata, peniaga-peniaga di bazar Ramadan juga diingatkan supaya tidak mengambil kesempatan dengan mengenakan harga yang melampau.

"Kita sentiasa melakukan pemantauan dan setakat ini tiada laporan kenaikan harga barang yang diterima terutamanya bahan mentah seperti ayam dan sebagainya," katanya.



KPDNHEP sita 1,900 kg tepung gandum

Simpan barang kawalan tanpa permit sah

Oleh SYAJARATULHUDA
MOHAMAD ROSLI

GEORGETOWN

Sebanyak 1,900 kilogram (kg) tepung gandum bernilai RM4,637 di sebuah premis membuat makanan disita selepas pemiliknya didapati menyimpan barang kawalan itu tanpa permit yang sah.

Tindakan itu dilakukan sepasukan pegawai penguatkuasa Kementerian Perdagangan Dalam Negeri dan Hal Ehwal Pengguna (KPDNHEP) Cawangan Timur Laut yang menyerbu premis di Teluk Kumbar, Bayan Lepas itu pada jam 4.30 petang Isnin.

Ketua Pegawai Penguatkuasa Daerah KPDNHEP Timur Laut, Ahmad Ahrizzuddin Ahmad Hamdan berkata, pihaknya telah menjalankan pemeriksaan di premis perniagaan membuat makanan itu dan mendapati peniaga memiliki barang kawalan berjadual iaitu 1,900 kg tepung gandum untuk membuat produk makanan.

"Peniaga diminta mengemukakan permit menyimpan barang kawalan berjadual atau kebenaran bertulis daripada



Pegawai penguatkuasa KPDNHEP Cawangan Timur Laut memeriksa tepung gandum di premis membuat makanan di Teluk Kumbar pada Isnin.

KPDNHEP namun gagal berbuat demikian.

"Oleh itu, kita menyita semua tepung gandum itu kerana peniaga didapati menyimpan barang kawalan tanpa permit yang sah," katanya dalam satu kenyataan pada Selasa.

Jelasnya, peniaga diwajibkan memiliki lesen atau permit kebenaran menyimpan barang kawalan dan kegagalan peniaga mengemukakan permit kebenaran daripada KPDNHEP adalah satu kesalahan mengikut Peraturan-peraturan Kawalan

Bekalan 1974.

"KPDNHEP memandang serius pelanggaran kelulusan lesen dan permit barangan kawalan yang dikeluarkan oleh pemilik perniagaan yang merugikan kerajaan dan rakyat.

"Kes ini disiasat mengikut Akta Kawalan Bekalan 1961 dan jika sabit kesalahan, boleh didenda hingga RM1 juta atau penjara maksimum tiga tahun atau kedua-duanya, manakala syarikat boleh dikenakan denda tidak lebih RM2 juta," katanya.



**MOHD. RIDZUAN
AB. GHAPAR**

15 peniaga dikompaun jual air kosong mahal

BUKIT MERTAJAM: Sebanyak 15 notis dikeluarkan menerusi Op Catut 8.0 Pejabat Perdagangan Dalam Negeri dan Hal Ehwal Pengguna (PPDNHEP) negeri ini kerana menjual air kosong mahal dengan ada melebihi RM1 segelas.

Pengarahnya, Mohd. Ridzuan Ab. Ghapar berkata, operasi itu bermula 7 April hingga semalam turut melibatkan dua pejabat cawangan PPDNHEP negeri iaitu di Timur Laut dan Seberang Perai Utara (SPU).

Menurut beliau, dalam tempoh tersebut sebanyak 35 buah premis perniagaan yang menjual minuman air kosong diperiksa.

"Selain restoran-restoran mewah dan biasa, kedai makanan segera, francais, kedai makan serta warung juga tidak terkecuali daripada diperiksa," katanya di sini semalam.

Mohd. Ridzuan berkata, kesemua notis dikeluarkan di bawah Seksyen 21 Akta Kawalan Harga dan Anti Pencatutan (AKHAP) 2011 dengan peniaga diberikan tempoh lima hari untuk memberikan maklum balas terhadap notis berkenaan.

"Berdasarkan maklumat masih ada peniaga menjual air kosong melebihi RM1 segelas.

"PPDNHEP tidak berkompromi dengan mana-mana peniaga yang cuba mengaut keuntungan tidak munasabah daripada penjualan air kosong pada harga yang melampau atau tidak wajar," kata Mohd. Ridzuan.



ANGGOTA KPDNHEP sedang memeriksa premis yang turut menjual air kosong dalam Op Catut 8.0 yang bermula sejak 7 April lalu.

Caj air kosong lebih RM1, 15 peniaga dapat notis

SEBERANG PERAI – Kementerian Perdagangan Dalam Negeri dan Hal Ehwal Pengguna (KPDNHEP) Pulau Pinang mengeluarkan sebanyak 15 notis terhadap peniaga yang menjual air kosong mahal di bawah Op Catut 8.0 hingga semalam.

Pengarahnya, Mohd. Ridzuan Ab. Ghapar berkata, operasi itu bermula sejak 7 April lalu serta turut melibatkan dua pejabat cawangan KPDNHEP negeri iaitu di Timur Laut dan Seberang Perai Utara (SPU).

"Dalam operasi itu, sebanyak 35 buah premis perniagaan yang menjual minuman air kosong di negeri ini telah diperiksa.

"Selain restoran-restoran mewah dan biasa, kedai makanan segera, francais, kedai makan serta warung juga tidak

terkecuali daripada diperiksa," katanya dalam satu kenyataan semalam.

Tambah Mohd. Ridzuan, kesemua notis itu dikeluarkan di bawah Seksyen 21 Akta Kawalan Harga Dan Anti Pencahutan (AKHAP) 2011 dan peniaga yang berkenaan diberikan tempoh selama lima hari untuk memberikan maklum balas terhadap notis tersebut.

"Berdasarkan kutipan maklumat harga daripada pemeriksaan yang telah dijalankan sehingga 12 April, purata harga air kosong yang dijual ialah sekitar 50 sen.

"Bagaimanapun, masih ada peniaga menjual minuman air kosong melebihi pada harga RM1 segelas dan sehubungan itu juga, notis berkaitan telah dikeluarkan untuk mendapatkan maklum balas," katanya.

Kementerian Perdagangan Dalam Negeri dan Hal Ehwal Pengguna (KPDNHEP) Pulau Pinang mengeluarkan 15 notis terhadap peniaga yang menjual air kosong pada harga melampau sehingga melebihi RM1 segelas.

Notis itu dikeluarkan pada pemeriksaan terhadap 35 premis perniagaan menerusi Op Catut 8.0 (Air Kosong) yang dijalankan sejak 7 April hingga kelmarin.

Pengarahnya, Mohd Ridzuan Ab Ghapar berkata, operasi membabitkan restoran mewah, makanan segera, francais, kedai makan

15 peniaga kaut 'untung' air kosong kena notis



OP Catut 8.0 (Air Kosong) dijalankan KPDNHEP sejak 7 April hingga kelmarin.



Operasi membabitkan restoran mewah, makanan segera, francais, kedai makan serta warung

Mohd Ridzuan

serta warung.

Katanya, pemeriksaan turut anggota penguatkuasa KPDNHEP Daerah Timur Laut dan Seberang Perai

Utara (SPU).

"Notis dikeluarkan membabitkan Seksyen 21 Akta Kawalan Harga Dan Anti Pencatutan 2011. Peniaga diberi tempoh lima hari bagi memberi maklum balas ke atas notis yang diterima mereka," katanya pada kenyataan semalam.

Mengulas lanjut, Mohd Ridzuan berkata, berdasarkan pemeriksaan, purata harga air kosong yang dijual sekitar 50 sen segelas namun ada peniaga menjualnya melebihi RM1 segelas.

"KPDNHEP Pulau Pinang tidak akan berkompromi dengan mana-mana peniaga yang cuba mengaut untung tidak munasabah hasil jualan air kosong.

"Pengguna disarankan menyalurkan aduan atau maklumat kepada KPDNHEP jika berdepan situasi ini untuk tindakan lanjut," katanya.

Aduan dan maklumat boleh disalurkan dengan menghubungi Bilik Gerakan KPDNHEP Negeri di talian 04-3840245, Pusat Arah Penguatkuasaan (03-8882 6088/6245), talian bebas tol 1 800 886 800 dan aplikasi WhatsApp KPDNHEP (019-2794317).



Officers from the Penang branch of the Domestic Trade and Consumer Affairs Ministry issuing a notice to a restaurant operator for overcharging for a glass of plain water, in George Town yesterday. PIC COURTESY OF THE DOMESTIC TRADE AND CONSUMER AFFAIRS MINISTRY

OP CATUT 8.0

15 PENANG F&B OUTLETS HAULED UP OVER PLAIN WATER PRICE

Slapped with notices during op for charging more than RM1 for a glass of water

AUDREY DERMAWAN
GEORGE TOWN
audreymd@nst.com.my

THE Penang branch of the Domestic Trade and Consumer Affairs Ministry (KPDNHEP) has slapped 15 notices against food and beverage operators in the state for charging more than RM1 for a glass of plain water.

Its director, Mohd Ridzuan Ab

Ghapar, said the notices were issued during Op Catut 8.0, which had been carried out since last Wednesday at restaurants, fast food outlets, franchise outlets, eateries and food stalls in the state.

"During the operation, we inspected 35 business premises. From there, we issued 15 notices under Section 21 of the Price Control and Anti-Profitteering Act 2011.

"The businesses have

been given five working days to supply us with information as instructed."

Ridzuan said during the checks last Wednesday until Monday, most of the businesses charged 50 sen for a glass of plain water.

"However, there are those who charged more than RM1 for a glass of plain water, hence we issued the notices.

"We will not compromise with businesses which resort to unreasonable profits from the sale of plain water."

Those with complaints may channel it to the state KPDNHEP for further action via WhatsApp at 019-279 4317, its call centre at 1 800 886 800 or e-mail to e-ad-

uan@kpdnhep.gov.my.

It was reported recently that the ministry had issued 84 notices against food operators for charging RM1 for a glass of plain water.

Kelantan recorded the highest number with 14 notices, followed by Selangor (12), Sabah (eight), Sarawak (eight), Johor (eight), Pahang (seven), Terengganu (six), Kuala Lumpur (five), Melaka (four), Federal Territory of Labuan (three), Penang (three), Perlis (two), Perak (two) and Negri Sembilan (two).

Since then, consumer organisations have urged eateries to stop charging their patrons for a glass of water.

Harga motosikal RM13,000 terlalu mahal

PETALING JAYA – Satu aduan dihantar kepada Kementerian Perdagangan Dalam Negeri dan Hal Ehwal Pengguna (KPDN-HEP) mendakwa harga motosikal berkuasa 155cc dijual terlalu mahal di pasaran yang kemudiannya tular di media sosial.

Mengikut butiran aduan itu, harga pelancaran bagi motosikal model baharu itu adalah RM10,888, tetapi dijual lebih RM13,000 di kedai.

"Alasan (penjual) stok motosikal itu sukar didapati. Premis turut mengenakan syarat menunggu lebih lama sekiranya ingin membeli secara tunai dan mengutamakan pembelian secara hutang.

"Taktik licik ini pernah berlaku (model sebelumnya)," kata aduan menerusi e-mel tersebut.

Tindakan memaksa pembeli membeli secara hutang dan menaikkan harga jualan sesuka hati dianggap tidak bermoral.

Rata-rata pengguna Facebook menyokong dakwaan itu.

Pengguna Facebook, Mustafa Kamal berkata, keadaan itu mungkin didorong oleh jenama tersebut mendapat permintaan tinggi.

Muhd. Zahir pula berkata, dia berhasrat membeli motosikal secara tunai, namun penjual mendakwa perlu menunggu stok dan perlu membuat pinjaman sekiranya mahukan dalam kadar segera.

Seorang lagi pengguna Facebook, Mohd. Rahimi Rosdi meminta KPDNHEP menyiasat lanjut dakwaan itu bagi menjamin hak pengguna.

to: aduan@kpdnhep.gov.my
Date: 12 Apr 2021, 2:21 am
See security details

Selamat petang tuan,

Saya ingin membuat aduan tentang harga motosikal terbaru dari Yamaha atau model Y15ZR yang telah diumumkan (mempulas) tanpa kawalan oleh kementerian motosikal di Malaysia.

Harga pelancaran model Y15ZR ini adalah RM10888 (harga body).

Namun ada juga kedai di sekitar KL/SLR telah menaikkan harga dari RM13,000 ke RM13,500 dengan alasan stok motor susah dapat.

Kedai juga menggunakan syarat menunggu yang lebih lama jika pembeli ingin membeli secara tunai dan mengutamakan pembelian secara hutang.

Pengeluar (Yamaha) pula seolah-olah bekerjasama dalam menaikkan harga dengan mengahaskan stok motosikal.

Kepuasan licik ini sebenarnya telah mula terjadi ketika model sebelumnya iaitu Yamaha Y15ZR. Rata-rata harga jualan Y15ZR adalah antara RM11500, sedangkan harga body hanya sekitar RM1000. Tidak mungkin insuran, cukai jalan dan proses pendaftaran memakan sehingga lebih RM1500.

Kini insuransu ini melatir kepada model Y15ZR pula.

Harap pihak KPDN dapat membantu kita-beda agar pengguna tidak terasaya berfikir pembelian produk motor ini.

Saya memahami tujuan pemasaran adalah untuk mendapatkan keuntungan, tetapi ia haruslah beretika.

Memaksa pembeli untuk membeli secara hutang, serta menaikkan harga jualan sesuka hati demi mendapatkan keuntungan adalah perbuatan yang sangat tidak bermoral.



ADUAN yang dibuat kepada KPDNHEP berhubung harga motosikal yang didakwa terlalu mahal.

PRACTISING CAUTION

Check halal status when buying meat, Muslim consumers told

PUTRAJAYA: Muslim consumers should not panic as there are sufficient and various options of halal meat available in the market throughout Ramadan and this Hari Raya Aidilfitri.

Nevertheless, Muslim communities have been urged to practise caution and be informed when getting food items by obtaining authentic information on the product before making any purchase.

Deputy Minister in the Prime Minister's Department (Religious Affairs) Datuk Ahmad Marzuk Shaary said consumers among the Muslim community could do so by checking the halal status of the meat product through portals and the Smart Halal application

developed by the Malaysian Communication and Multimedia Commission (MCMC) and the Islamic Religious Development Department (Jakim).

He said Jakim viewed the issues surrounding the meat cartel syndicate seriously and would strengthen and tighten the process of obtaining halal certification.

"Jakim's responsibility is only issuing and recognising halal certification to qualified individuals while enforcement of the laws falls under the jurisdiction of the Domestic Trade and Consumer Affairs Ministry.

"Jakim will always cooperate with all quarters involved in the enforcement (to ensure authentic

halal meat products in the market)," he said.

Ahmad Marzuk was speaking at the launching of "Gerbang Ramadan Anda" Al-Amin Ramadan 1442 Kembara Programme here yesterday.

Present were Jakim director-general Datuk Abdul Aziz Jusoh and the Federal Territories Islamic Religious Department director Datuk Mohd Ajib Ismail.

It was reported that 19 cold distribution companies were found to be involved in imported meat cartel activities in a police crackdown that was conducted in six states early this month.

The companies were found to have conspired with a local

company that was allowed to import frozen meat from Brazil legally.

According to the importer's permit, the company could only import 27 tonnes of meat for one permit issued. Investigations revealed that the company only used four of five importer's permits issued for 2020.

The importer, however, was found to have distributed more than 1,000 tonnes to 202 customers as proven by seized invoices.

Investigations also revealed the annual profit of the 19 companies was between RM1 million and RM52 million.

On the Al-Amin Ramadan 1442 Kembara Programme, Ahmad

Marzuk said the programme was organised by Jakim with the co-operation of Federal Territory Islamic Religious Council Zakat Collection (PPZ-MAIWP) starting yesterday throughout the fasting month.

He said the programme, which was organised virtually and available on Jakim's and PPZ-MAIWP's social media platforms, was aimed at encouraging Muslims to embrace and observe the true meaning of Ramadan.

It would also serve as a platform to spread dakwah and good values among social media users through the distribution of the latest and accurate information on matters concerning Islamic affairs.

 Senarai Harga Barang Keperluan	• Ayam RM5.99	• Telur Gred A RM9.99	• Gula Pasir RM2.20	• Cili Merah RM5.90
	• Daging Lembu Tempatan RM35	• Ikan Kembung RM8.90	• Bawang Besar Holland RM2.90	• Kubis Bulat Tempatan RM2.50
	• Daging Lembu Import RM18.90	• Minyak Masak RM5.30	• Bawang Putih RM4.99	• Tepung Gandum RM2.19
*Harga (RM/kg) Sumber: KPON-HEP				